


976

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo



n/r predsjedavajućeg Skupštine Kantona Sarajevo

Uputiti: Vlada Kantona Sarajevo i Ministarstvo finansija Kantona Sarajevo

Predmet: Inicijativa za pravovremenu isplatu regresa i pomoći radnicima u javnom sektoru Kantona Sarajevo u 2026. godini

Poštovani,

Na osnovu člana 213. Poslovnika Skupštine Kantona Sarajevo, podnosim zastupničku inicijativu kojom predlažem da Vlada Kantona Sarajevo i Ministarstvo finansija Kantona Sarajevo poduzmu sve potrebne mjere kako bi se radnicima u javnom sektoru čije se plate finansiraju iz Budžeta Kantona Sarajevo osigurala pravovremena isplata regresa za 2026. godinu, u skladu sa važećim zakonskim i kolektivnim propisima.

Radnici zaposleni u javnom sektoru Kantona Sarajevo obavljaju izuzetno važne poslove u oblastima zdravstva, obrazovanja, sigurnosti, socijalne zaštite, uprave i drugih javnih službi koje su od ključnog značaja za funkcionisanje društva. U tom smislu, pravovremena isplata zakonom propisanih prava radnika predstavlja ne samo zakonsku obavezu poslodavca, već i važan element očuvanja socijalne sigurnosti zaposlenih.

Pored toga, Vlada Federacije Bosne i Hercegovine donijela je Uredbu o isplati pomoći radnicima od strane poslodavca u 2026. godini, kojom je omogućena dodatna finansijska pomoć zaposlenima u cilju ublažavanja ekonomskih pritisaka i očuvanja životnog standarda radnika.

Cijeneći navedeno, smatram da je potrebno da Vlada Kantona Sarajevo kao poslodavac, odnosno osnivač javnih institucija i ustanova, osigura primjenu ove uredbe i na radnike u javnom sektoru Kantona Sarajevo, u skladu sa finansijskim mogućnostima i važećim propisima.

Prijedlog mjera

S tim u vezi predlažem da Vlada Kantona Sarajevo i Ministarstvo finansija Kantona Sarajevo:

1. Osiguraju da se regres za godišnji odmor radnicima u javnom sektoru Kantona Sarajevo u 2026. godini isplati pravovremeno i u skladu sa zakonskim i kolektivnim odredbama.
2. Razmotre i omoguće isplatu pomoći radnicima u javnom sektoru Kantona Sarajevo u 2026. godini, u skladu sa Uredbom o isplati pomoći radnicima od strane poslodavca u 2026. godini koju je donijela Vlada Federacije Bosne i Hercegovine.
3. U saradnji sa budžetskim korisnicima i javnim ustanovama planiraju potrebna finansijska sredstva u Budžetu Kantona Sarajevo, kako bi se osigurala realizacija navedenih prava radnika.

Cijeneći značaj zaštite ekonomskog položaja zaposlenih u javnom sektoru, kao i potrebu dosljednog poštivanja zakonskih i podzakonskih propisa koji regulišu prava radnika, smatram da je potrebno da nadležne institucije pravovremeno planiraju i realizuju navedene obaveze.

Molim da Vlada Kantona Sarajevo i Ministarstvo finansija Kantona Sarajevo razmotre ovu inicijativu i o poduzetim aktivnostima informišu Skupštinu Kantona Sarajevo.

S poštovanjem,

Sebiia Izetbegović

zast

